



**Skattabæklingur
2026**

Efnisyfirlit

SKATTLAGNING EINSTAKLINGA.....	2
I. TEKJUSKATTUR OG ÚTSVAR.....	2
II. FRÁDRÁTTUR FRÁ TEKJUM	2
III. SÉRREGLUR UM EIGNATEKJUR OG ARF.....	4
IV. BÆTUR.....	5
ATVINNUREKSTUR.....	6
I. OPINBER GJÖLD	6
II. AFSKRIFTARHLUTFÖLL OG FYRNINGAR	7
III. ÖNNUR ATRIÐI ER VARÐA AÐILA Í ATVINNUREKSTRI...	7
IV. VIRÐISAUKASKATTUR	9
AÐRAR UPPLÝSINGAR	11
VÍSITÖLUR.....	11
TVÍSKÖTTUNARSAMNINGAR.....	11
UPPLÝSINGASKIPTASAMNINGAR.....	12
ÝMSAR AÐRAR BREYTINGAR	12
GENGI.....	13

SKATTLAGNING EINSTAKLINGA

I. TEKJUSKATTUR OG ÚTSVAR

Staðgreiðsla 2026, stighækkandi tekjuskattur

Árstekjur:

Frá kr. 0-5.977.470 (á mánuði kr. 498.122)
(tekjuskattur 16,55% + meðalútsvar 14,94%) 31,49%

Frá kr. 5.977.471 (á mánuði kr. 498.122)
að kr. 16.781.397 (á mánuði kr. 1.398.450)
(tekjuskattur 23,05% + meðalútsvar 14,94%) 37,99%

Yfir kr. 16.781.397 (á mánuði kr. 1.398.450)
(tekjuskattur 31,35% + meðalútsvar 14,94%) 46,29%

Vegið meðalútsvar sveitarfélaga er óbreytt milli tekjuáranna 2025 og 2026 og verður því 14,94% í staðgreiðslu tekjuársins 2026.

Komi í ljós við álagningu 2026, vegna tekjuársins 2025, að tekjuskattsstofn annars samskattaðs aðila sé hærri en kr. 15.901.523, skal það sem umfram er skattlagt með 23,05% skatthlutfalli allt að helmingi þeirrar fjárhæðar sem tekjuskattsstofn þess tekjulægri er undir kr. 15.901.523, þó reiknast 23,05% skatthlutfall aldrei af hærri fjárhæð en kr. 5.118.731 við þessar aðstæður. Regla þessi féll úr gildi um áramótin og gildir því ekki á tekjuárinu 2026 (gjaldárið 2027).

Staðgreiðsla barna yngri en 16 ára

Af tekjum umfram frítekjumark barna kr. 300.000
(tekjuskattur 4% + útsvar 2%) 6%

Fjármagnstekjuskattur 22%
Af leigutekjum vegna útleigu íbúðarhúsnæðis sem fellur undir húsaleigulög og skráður hefur verið í húsaleigugagnagrunn Húsnæðis- og mannvirkjastofnunar (25% frítekjumark) 16,5%

Gjald í framkvæmdasjóð aldraðra kr. 14.614
Gjaldið er lagt á alla á aldrinum 16-69 ára sem eru með tekjur yfir skattleysismörkum á árinu 2025.

Útvarpsgjald kr. 22.200
Gjaldið er lagt á alla á aldrinum 16-69 ára sem eru með tekjur yfir skattleysismörkum á árinu 2025.

II. FRÁDRÁTTUR FRÁ TEKJUM

1. Persónuafsláttur

TTekjuárið 2026 (kr. 72.492 á mánuði) kr. 869.898
Tekjuárið 2025 (kr. 68.691 á mánuði) kr. 824.288

Heimilt er að færa allt að 100% af persónuafslætti milli hjóna og sambúðarfólks sem uppfylla skilyrði samsköttunar. Börn yngri en 16 ára njóta ekki persónuafsláttar. Eftirlifandi maki getur nýtt persónuafslátt hins látna í níu mánuði eftir andlát.

Frá og með 1. janúar 2026 fellur niður heimild til að ráðstafa ónýttum persónuafslætti til greiðslu fjármagnstekjuskatts.

Skattleysismörk með lífeyrissjóðsfrádrætti 2025 kr. 2.726.686 (á mánuði kr. 227.225).

2. Iðgjöld til lífeyrissjóða

Heimilt er að halda utan staðgreiðslu 4% af heildarlaunum sem greidd hafa verið til lífeyrissjóða sem hafa starfsleyfi samkvæmt lögum. Auk þess er heimilt að halda utan staðgreiðslu allt að 4% af heildarlaunum vegna viðbótartryggingarverndar að fullnægðum ákveðnum skilyrðum laga.

Framlag launagreiðanda til öflunar lífeyrisréttinda skal telja til skattskyldra tekna ef iðgjaldagreiðslur frá launagreiðanda eða sjálfstætt starfandi manni fara fram úr 12% af iðgjaldsstofni auk kr. 2.000.000 á ári.

3. Frádráttur á móti ökutækjastyrk

Frá ökutækjastyrk, sem launþega ber að færa til tekna, skal leyfa sem frádrátt tiltekinn kostnað á hvern ekinn kílómetra í þágu launagreiðanda, skv. ákvörðun ríkisskattstjóra. Aldrei leyfist hærri fjárhæð til frádráttar en talin er til tekna sem ökutækjastyrkur. Skilyrði fyrir frádrættinum er að fyrir liggi skriflegur afnotasamningur þar sem aksturserindum er skilmerkilega lýst og að færð hafi verið akstursdagbók, þ.m.t. á rafrænu formi. Færa skal þessi gögn reglulega og skulu þau vera aðgengileg skattyfirvöldum á hverjum tíma. Frádráttur tekur mið af því hver heildarakstur hefur verið í þágu launagreiðanda og þeirri fjárhæð sem gildir á hverju akstursbili miðað við hvern ekinn kílómetra, sbr. eftirfarandi töflu. Frádráttur verður þó aldrei lægri en orðið hefði ef akstur hefði numið hámarksakstri samkvæmt akstursbilinu á undan.

Heildarakstur í km	Frádráttur á hvern ekinn km
0-1.000 km	142 kr.
1.001-2.000 km	137 kr.
2.001-3.000 km	132 kr.
3.001-4.000 km	128 kr.
4.001-5.000 km	123 kr.
5.001-6.000 km	119 kr.
6.001-7.000 km	115 kr.
7.001-8.000 km	111 kr.
8.001-9.000 km	107 kr.
9.001-10.000 km	103 kr.
10.001-11.000 km	99 kr.

11.001-12.000 km	96 kr.
12.001-13.000 km	93 kr.
13.001-14.000 km	89 kr.
14.001-15.000 km	86 kr.
15.001 km og meira	83 kr.

Hafi einstaklingur fengið greitt sérstakt gjald vegna aksturs á vegum þar sem ekki er bundið slitlag er heimilt að óska eftir að frádráttur verði 15% hærri. Hafi einstaklingur fengið greitt torfærugjald vegna aksturs á vegslóðum sem ekki eru færir fólksbílum er heimilt að óska eftir að frádráttur verði 45% hærri.

4. Skattmat 2026

Auk hefðbundinna krónutöluhækkana taka reglur ríkisskattstjóra um skattmat vegna tekna manna tekjuárið 2026 fáum efnisbreytingum. Hámarkskostnaður viðurgjörninga vinnuveitanda við starfsmenn, þ.e. gjafir og skemmtanir, má nema kr. 192.000 á hvern starfsmann yfir árið. Hlunnindi og friðindi af umræddum toga umfram 192.000 kr. skulu teljast starfsmanni til tekna, hvernig sem fyrirkomulagi á greiðslum launagreiðanda er háttað. Sérstaklega er tekið fram í skattmatinu að afhending á hvers konar kortum, sem fæst skipt fyrir peninga, beri að telja til skattskyldra tekna.

Bifreiðahlunnindi starfsmanns vegna bifreiðar sem knúin er jarðefnaeldsneyti ber að ákvarða sem 28% af virði bifreiðarinnar, eins og fyrr, en í tilvikum bifreiðar sem knúin er umhverfisvænum orkugjöfum þá er hlunnindafjárhæðin 20% af virði bifreiðarinnar. Þá er hlutfall hlunninda lækkað um þrjú prósent af virði bifreiðar þegar um er að ræða bifreið sem knúin er umhverfisvænum orkugjöfum og verður 17% í þeim tilvikum þegar sá sem nýtur greiðir rekstrarkostnað hennar. Ef um er að ræða bifreið sem eingöngu notar rafmagn sem orkugjafa og starfsmaður hleður bifreiðina á eigin kostnað, en annar rekstrarkostnaður er greiddur af launagreiðanda, er heimilt að lækka hlutfall hlunninda þannig að miðað sé við 19% af virði bifreiðarinnar. Heimilt er að lækka hlutfall hlunninda um 6% af virði bifreiðar þegar um er að ræða bifreið sem knúin er jarðefnaeldsneyti og starfsmaður greiðir sjálfur rekstrarkostnað.

Virði bifreiðar miðar við kaupverð að viðbættum virðisaukaskatti en heimilt er að færa verð hennar niður um 10% á ári en aldrei lægra en 50% af kaupverði hennar. Eins og fyrr þá ber ætíð að reikna bifreiðahlunnindi eigenda fyrirtækja, framkvæmdastjóra þeirra, stjórnarmanna og annarra í sambærilegum stöðum miðað við full og ótakmörkuð afnot þeirra fyrir þau tímabil þegar þeir hafa umráð yfir bifreiðum launagreiðenda til einkanota, hvort sem um er að ræða eina eða fleiri bifreiðar. Í skattmatinu er sérstaklega tilgreint að til rekstrarkostnaðar bifreiðar telst ekki kílómetragjald eða aðrir skattar.

Þá hafa viðmið varðandi greiðslur launagreiðanda, eða eftir atvikum stéttarfélagi, sem ætlað er að standa straum af kostnaði við reglulega íþróttaiðkun og líkamsrækt hækkað í kr. 85.000 á ári. Tekið er sérstaklega fram að kostnaður vegna ferða á baðstaði, þ.m.t. fargufa, og félagsgjöld af ýmsu tagi teljast ekki til íþróttaiðkunar eða líkamsræktar sem halda má utan staðgreiðslu, utan þess sem sérstaklega er talið upp í skattmatinu (þ.e. aðgangur

að líkamsræktarstöðvum, sundlaugum, golfvöllum og skíðasvæðum, kostnað vegna þátttöku í íþróttanámskeiðum, greiðslu á æfingagjöldum í íþróttasali og félagsgjöldum í golfklúbba og hestamanna-félög sem og þátttökugjöld vegna annarrar hreyfingar sem stunduð er með reglubundnum hætti, þ.m.t. vegna einkaþjálfunar hvort sem hún er stunduð innan- eða utandyra eða í gegnum fjarþjálfun).

5. Frádráttur vegna framlaga til almannaheillafélaga

Framlög einstaklings til félaga sem skráð eru í almannaheillaskrá, minnst kr. 10.000 og allt að kr. 350.000 á ári, veitir rétt til frádráttar upphæðarinnar frá tekjuskattstofni hans. Réttur til frádráttar vegna framlaga er háður því skilyrði að móttakandi sé skráður á almannaheillaskrá Skattsins á því tímamarki sem framlag á sér stað. Yfirlit um aðila í almannaheillaskrá má finna á vef **Skattsins**.

6. Frádráttur á móti dagpeningum

Dagpeningar eru greiddir vegna tilfallandi ferðalaga launþega á vegum launagreiðanda utan fasts samningsbundins vinnustaðar og er þeim ætlað að standa undir kostnaði launþegans vegna fjarveru frá heimili sínu, annars vegar vegna gistikostnaðar ef um hann er að ræða og hins vegar vegna fæðisкупа og annars tilfallandi kostnaðar sem af ferðinni hlýst. Á móti fengnum dagpeningum er launamönnum heimilt að færa frádrátt samkvæmt nánari reglum sem ríkisskattstjóri setur.

Leyfilegur hámarksfrádráttur frá greiddum dagpeningum innanlands frá 1. október 2025:	
Gisting og fæði í einn sólarhring	kr. 39.700
Gisting í einn sólarhring.....	kr. 22.200
Fæði hvern heilan dag, minnst 10 tíma ferðalag.....	kr. 17.500
Fæði í hálfan dag, minnst 6 tíma ferðalag.....	kr. 8.7500

Leyfilegur frádráttur frá greiddum dagpeningum erlendis frá og með 1. janúar 2025 í SDR¹:

		Almennir dagpeningar		
		Gisting	Annað	Samtals
Flokkur 1 <i>New York borg, London, Sviss, Washington DC</i>	SDR	218	146	364
Flokkur 2 <i>Finnland, Danmörk, Noregur, Svíþjóð, Holland, Bandríkin (nema New York og Washington), París, Írland</i>	SDR	177	118	295
Flokkur 1 <i>Frakkland (nema París), Lúxemburg, Barselóna, Madrid, Hong Kong, Kánada, Belgía, Róm</i>	SDR	157	105	262
Flokkur 4 <i>Annars staðar</i>	SDR	136	91	277

¹ Seðlabanki Íslands ákvarðar daglega gengi SDR gagnvart íslenskri krónu.

Dagpeningar vegna þjálfunar, náms eða eftirlitsstarfa nema 2/3 almennum dagpeningum.

7. Erlendir sérfræðingar

Frá tekjum þeirra erlendu sérfræðinga sem bera takmarkaða eða ótakmarkaða skattskyldu hér á landi, sem ekki eru tengdar atvinnurekstri eða sjálfstæðri starfsemi, má draga 25% tekna fyrstu þrjú árin frá ráðningu í starf, enda séu ákveðin skilyrði uppfyllt. Heimildin nær einnig til sérfræðinga með íslenskan ríkisborgararétt, sem snúa aftur til Íslands eftir búsetu erlendis. Staðfesting frá sérstakri nefnd skal liggja fyrir um að erlendi sérfræðingurinn uppfylli öll skilyrði til að fá slíkan frádrátt. **Sjá nánar reglugerð nr. 1202/2016 um frádrátt frá tekjum erlendra sérfræðinga.**

8. Hlutablefakaup einstaklinga í litlum félögum í vexti

Að ákveðnum skilyrðum uppfylltum má, við álagningu opinberra gjalda á árunum 2027 til 2029 vegna fjárfestinga á árunum 2026 til 2028 draga frá tekjum einstaklinga allt að 75% frá tekjuskattstofni að viðbættum fjármagnstekjum, af fjárhæð sem er til komin vegna fjárfestinga í hlutafélagi eða einkahlutafélagi sem uppfyllir tiltekin skilyrði og hafa fengið staðfestingu ríkisskattstjóra þar um. Fyrst skal dregið frá stofni til tekjuskatts og síðan fjármagnstekjuskattstofni, að teknu tilliti til fritekjumarks vegna vaxta- og leigutekna. Ónýtt frádráttarheimild er millifæranleg í allt að þrjú ár. **Sjá nánar reglugerð nr. 785/2016 um skattafslátt manna vegna hlutablefakaupa.**

Þessi heimild einstaklinga til að draga fjárfestingu í hlutablefum lítilla félaga í vexti var ekki framlengd vegna tekjuársins 2025. Enginn frádráttur er því heimill við álagningu 2026.

III. SÉRREGLUR UM EIGNATEKJUR OG ARF

1. Almenn um fjármagnstekjuskatt

22% fjármagnstekjuskattur leggst á allar fjármagnstekjur manna utan atvinnurekstrar, svo sem vexti, verðbætur, afföll, gengishagnað, arð af hlutablefum og stofnsjóðum, leigutekjur og skattskyldan hagnað af sölu eigna. Þó skal ekki reikna skatt af heildarvaxtatekjum eða tekjum af hlutablefæign í formi arðs og söluhagnaðar í félögum sem skráð eru á skipulegum verðbréfamarkaði, eða markaðstorgi fjármálagerninga að fjárhæð kr. 300.000 hjá einstaklingi (kr. 600.000 hjá hjónum).

Fjármálafyrirtækjum, öðrum fjárvörsluaðilum, tryggingafélögum og sérhverjum öðrum aðilum sem hafa atvinnu af fjárvörslu, milligöngu eða innheimtu í verðbréfavíðskiptum eða annars innheimtu fyrir aðra, ber að draga staðgreiðslu af vaxtatekjum og afföllum og skila í ríkissjóð. Séu hlutablef, sem arður er greiddur af, í vörslu innlends fjármálafyrirtækis vegna rafrænnar skráningar hlutablefanna í verðbréfamiðstöð, hvílir skylda á viðkomandi fjármálafyrirtæki til að draga staðgreiðslu af arði og skila í ríkissjóð.

Félögum með takmarkaða ábyrgð (ehf., hf., og slhf. sem eru sjálfstæðir

skattaðilar) ber að draga staðgreiðslu af arði sem þau greiða hluthöfum sínum sem eru einstaklingar og skila í ríkissjóð.

Lagt er á aðrar greiðslur er mynda stofn til fjármagnstekna einstaklinga við álagningu næsta ár á eftir tekjuári.

2. Leigutekjur

Hafi maður á tekjuárinu 2025 tekjur af útleigu fasteigna til búsetu leigjanda sem ekki falla undir atvinnurekstur teljast 50% brúttótekna án frádráttar til fjármagnstekna. Frá og með tekjuárinu 2026, gjaldárinu 2027, teljast 75% brúttótekna án frádráttar til fjármagnstekna. Frá 1. janúar 2023 til 31. desember 2025 var fullnægjandi að telja leigutekjurnar sérstaklega fram í skattframtali, en frá og með 1. janúar 2026 er skylt að skrá leigusamning sérstaklega í húsnæðisgrunn Húsnæðis- og mannvirkjastofnunar til að undanþágan eigi við.

Útleiga manns á íbúðarhúsnæði telst til atvinnurekstrar eða sjálfstæðrar starfsemi ef hinar útleigðu fasteignir eru fleiri en tvær. Ef tekjurnar stafa af útleigu íbúðarhúsnæðis sem fellur undir húsaleigulög og hinar útleigðu fasteignir eru ekki fleiri en tvær má draga frá tekjum manns af útleigunni leigugjald sem hann greiðir af íbúðarhúsnæði til eigin nota. Frádrátturinn leyfist eingöngu á móti leigutekjum af íbúðarhúsnæði sem ætlað er til eigin nota en er í útleigu.

Ef útleiga íbúðarhúsnæðis, frístundahúsnæðis eða annars húsnæðis telst heimagisting samkvæmt lögum um veitingastaði, gististaði, og skemmtanahald eru tekjurnar ekki taldar stafa af atvinnurekstri eða sjálfstæðri starfsemi. Skilyrði heimagistingar eru m.a. að útleigan hafi verið tilkynnt sýslumanni, að aðili hafi fengið skráningarnúmer, að heildarfjárhæð leigutekna viðkomandi heimagistingar á tekjuárinu nemi ekki hærri fjárhæð en kr. 2.000.000 og að fjöldi útleigðra daga fari ekki yfir 90 daga samanlagt á hverju almanaksári. Sé húsnæðið sem er í útleigu í eigu tveggja eða fleiri manna skal við afmörkun heildarfjárhæðarinnar telja leigutekjur húsnæðisins hjá hverjum og einum. Tekjur af starfsemi heimagistingar skulu skattlagðar sem fjármagnstekjur án frádráttar.

3. Söluhagnaður af hlutablefum árið 2026

Einstaklingar greiða 22% fjármagnstekjuskatt af söluhagnaði hlutablefa. Söluhagnaður hlutablefa er mismunur á söluverði og kaupverði.

Kaupverð hlutablefa sem skattaðili hefur eignast fyrir 1. janúar 1997 má ákvarða á tvenns konar hátt:

- jöfnunarverðmæti hinna seldu hluta í árslok 1996; eða
- upphaflegt kaupverð hinna seldu hluta framreiknað til ársloka 1996.

Hafi seljandi eignast hlutablef á árunum 1990-1996 kann hluti söluhagnaðar að vera skattfrjáls. Á það við um bréf í félögum sem hlotið höfðu staðfestingu ríkisskattstjóra til skattafsláttar. Hámark skattfrjáls söluhagnaðar er kr. 367.625 fyrir einstakling og kr. 735.250 hjá hjónum.

Hagnaður einstaklings utan atvinnurekstrar vegna viðskipta með breytanleg skuldabréf sem breytt hefur verið í hlutablef á lægra verði en nemur markaðsverði bréfanna telst til skattskyldra fjármagnstekna þegar hlutablefin eru seld.

Skattlagningu hagnaðar vegna kaupa manns á hlutabréfum samkvæmt kauprétti, sem hann hefur öðlast í starfi fyrir annan aðila er frestað þar til bréfin eru seld.

Heimilt er að draga tap af sölu hlutabréfa frá hagnaði af sölu annarra hlutabréfa á sama tekjuári. Tap á hlutabréfum vegna gjaldþrots má ekki draga frá söluhagnaði af öðrum hlutabréfum.

Skipti einstaklingur utan atvinnurekstrar á hlutum í nýsköpunarfyrirtæki fyrir eignarhluti í nýstofnuðu félagi í hans eigu, þá skuli skiptin ekki hafa í för með sér skattskyldar tekjur. Kaupverð eignarhluta sem hann eignast við skiptin skal ákvarðast jafnt kaupverði þeirra hluta sem látnir voru afhendi. Þá verður lögðilum heimilt að fresta yfir tvenn áramót skattlagningu hagnaðar sem myndast hefur við umbreytingu skuldabréfs með breytirétti í hluti í nýsköpunarfyrirtæki.

4. Kaupréttir starfsmanna sprotafyrirtækja

Nýting kaupréttar í sprotafyrirtækjum skal skattlögð sem fjármagnstekjur að fjórum skilyrðum uppfylltum. Í fyrsta lagi þarf fyrirtækið að hafa hlotið staðfestingu hjá Rannís áður en samningur er gerður og að vinnuframlag þess sem kauprétt hlýtur sé eingöngu í tengslum við hið staðfesta verkefni. Í öðru lagi verða minnst átján mánuðir að líða þar til rétturinn er nýttur. Í þriðja lagi skal kaupverð samkvæmt kaupréttarsamningi vera að minnsta kosti jafnt gangverði við gerð samnings. Í þeim tilfellum sem gangverð liggur ekki fyrir skal miða við bókfært virði eigin fjár samkvæmt síðasta samþykkt ársreikningi. Í fjórða og síðasta lagi skal samningur um réttindin vera óframseljanlegur og ekki til lengri tíma en átta ára.

Tekjur samkvæmt kaupréttarsamningi, sem undir ákvæðið fellur, koma til skattlagningar við sölu á mótteknum hlutum. Ákvarðast tekjurnar sem mismunur á kaupverði samkvæmt samningnum og söluverði, en þann mismun má ekki telja til rekstrarkostnaðar. Kaup einstaklings samkvæmt kaupréttarsamningi veita ekki rétt til frádráttar frá tekjum.

5. Gengishagnaður

Tekjufærsla gengishagnaðar á innlánsreikningum í erlendri mynt á sér stað við úttekt af reikningi. Heimilt er að jafna saman gengishagnaði og gengistapi hvers innlánsreiknings fyrir sig innan tekjuársins.

6. Afleiðusamningar

Litið er á tekjur af afleiðusamningum sem söluhagnað eigna. Engin staðgreiðsla er því af slíkum tekjum og heimilt er að jafna saman hagnaði og tapi af afleiðum á tekjuárinu.

7. Arfur

Erfðafjárskattur er 10%. Enginn erfðafjárskattur er greiddur af fyrstu kr. 6.789.790 af skattstofni nema um fyrirframgreiddan arf sé að ræða. Maki greiðir ekki erfðafjárskatt af arfi eftir maka sinn. Fari búskipti fram eftir lát beggja hjóna skal leggja erfðafjárskatt á arf erfingjanna eins og um eitt bú væri að ræða. Skattstofn erfðafjárskatts er heildarverðmæti allra fjárhagslegra verðmæta og eigna sem liggja fyrir á dánar- eða arfleiðsludegi að frádregnum skuldum og kostnaði.

8. Söluhagnaður af íbúðarhúsnæði og frístundahúsnæði

Hagnaður manns af sölu íbúðarhúsnæðis og frístundahúsnæðis telst almennt að fullu til skattskyldra tekna á söluári. Hagnaður af sölu íbúðarhúsnæðis telst þó ekki til skattskyldra tekna hafi maður átt hið selda í tvö ár eða lengur og aðeins að því marki sem heildarrúmmál íbúðarhúsnæðis seljanda fer ekki fram úr 600 m³ á söluþegi ef um einstakling er að ræða (1200 m³ ef hjón), nema um sé að ræða íbúðarhúsnæði til eigin nota. Sama gildir um hagnað af sölu búseturéttar og sölu íbúðarhúsnæðis úr dánarbúi manns enda séu uppfyllt framangreind skilyrði um eignarhaldstíma og stærðarmörk. Hagnaður af sölu frístundahúsnæðis getur einnig fallið undir fyrrgreinda undanþágu frá skattskyldu, að teknu tilliti til framangreindra stærðarmarka, ef frístundahúsnæði hefur verið nýtt af eigendum og ekki verið til útleigu gegn endurgjaldi, enda hafi eignarhald varað að lágmarki sjö ár.

9. Söluhagnaður vegna sölu bújarðar

Sé bújörð þar sem stundaður er landbúnaður seld með söluhagnaði og hluti söluandvirðis hennar er greiddur með skuldaviðurkenningum til þriggja ára eða lengri tíma er heimilt að telja það hlutfall af söluhagnaðinum, sem svarar til hlutdeildar skuldaviðurkenninganna af heildarsöluverðmætinu, til tekna hlutfallslega eftir afborgunartíma skuldaviðurkenninganna, í allt að 20 ár.

Þá getur skattaðili, sem stundað hefur búrekstur á bújörð í minnst fimm ár, af síðastliðnum átta árum, farið fram á frestun skattlagningar söluhagnaðar af landi og ófyrnanlegum náttúruauðæfum á bújörðum um tvenn áramót frá söluþegi, enda afli hann sér sams konar eignar eða íbúðarhúsnæðis í stað hinnar seldu jarðar. Í þeim tilfellum færast söluhagnaðurinn til lækkunar stofnverðs hinnar nýju eignar. Sé stofnverðið lægra en söluhagnaðurinn telst mismunurinn til skattskyldra tekna. Með lagabreytingu 2023 var skert á því að þessi meðferð væri heimil óháð félagiformi búreksrarins.

IV. BÆTUR

1. Vaxtabætur

Vegna tekjuársins 2025, gjaldárið 2026, eiga þeir sem greiða vaxtagjöld af lánum vegna kaupa eða byggingar á íbúðarhúsnæði til eigin nota eða við kaup á búseturétti skv. lögum nr. 66/2003 og kaup á eignarhlut í almennri kaupleiguíbúð skv. eldri lögum, rétt á vaxtabótum. Gjaldárið 2026 er síðasta árið sem vaxtabætur greiðast út en frá og með 1. janúar 2026 eru vaxtabætur felldar úr gildi. Því kemur ekki til útreiknings vaxtabóta vegna tekjuársins 2026, gjaldárið 2027.

Rétturinn til vaxtabóta stofnast á því ári þegar íbúð eða eignarhluti er keyptur eða bygging er hafin. Vaxtabætur ákvarðast samkvæmt upplýsingum sem fram koma í skattframtali. Þegar aðeins annað hjóna er skattskyld hér á landi eru vaxtabætur ákvarðaðar eftir þeim reglum sem gilda um hjón, að því gefnu að fyrir liggja upplýsingar um tekjur beggja.

Sérstakar reglur gilda til bráðabirgða um ákvörðun vaxtabóta við álagningu 2026. Vaxtabætur eru vaxtagjöld að fráðregnum 8,5% af samanlögðum tekjuskattsstofni við ákvörðun vaxtabóta vegna tekna, eigna og skulda árið 2025. Bæturnar skerðast síðan hlutfallslega fari eignir að fráðregnum skuldum fram úr kr. 7.500.000 hjá einstaklingi og kr. 12.000.000 hjá hjónum/sambúðarfólki og þær falla niður þegar nettóeign nær kr. 12.000.000 hjá einstaklingum og kr. 19.200.000 hjá hjónum/sambúðarfólki. Vaxtabætur skiptast jafnt á milli hjóna/sambúðarfólks.

Við ákvörðun vaxtabóta við álagningu 2026 er viðmiðunarhlutfall hámarksvaxtagjalda af skuldum 7% vegna tekna, eigna og skulda árið 2025. Vaxtabætur sem eru lægri en kr. 5.000 á mann falla niður.

Hámark vaxtabóta:	Vaxtabætur 2026	Vaxtabætur 2025
Einstaklingar	420.000 kr.	420.000 kr.
Einstætt foreldri	525.000 kr.	525.000 kr.
Hjón og sambúðarfólk	630.000 kr.	630.000 kr.

2. Barnabætur

Barnabætur árið 2026 eru greiddar vegna hvers barns innan 18 ára aldurs (f. 2008 eða síðar). Bæturnar eru tekjutengdar en sama fjárhæð fylgir hverju barni, óháð því hvort um frumburð er að ræða eður ei, að gefinni fjölskyldustöðu foreldra. Umtalsverðar breytingar voru gerðar á kerfinu áramótin 2024/2025 og skerðingarhlutfall barnabóta lækkað um prósentustig. Við ákvörðun barnabóta eru skerðingarmörk sameiginlegs tekjuskattsstofns foreldra í sambúð umfram kr. 11.688.000 og einstæðra foreldra umfram kr. 5.844.000. Hlutfall skerðingar er 4% með hverju barni. Til viðbótar barnabótum er greidd sérstök tekjutengd hækkun að fjárhæð kr. 130.000 með öllum börnum yngri en sjö ára. Barnabætur sem eru ákvarðaðar lægri en kr. 5.000 á hvert barn falla niður.

	2026		2025	
	Hjón/ sambúðarfólk	Einstæðir foreldrar	Hjón/ sambúðarfólk	Einstæðir foreldrar
Með fyrsta barni	345.000 kr.	514.500 kr.	310.000 kr.	460.000 kr.
Hækkun vegna barna yngri en sjö ára	130.000 kr.	130.000 kr	130.000 kr.	130.000 kr.

ATVINNUREKSTUR

I. OPINBER GJÖLD

1. Tekjuskattur lögaðila vegna 2026

Félög með takmarkaða ábyrgð og samvinnufélög 20%
Aðrir lögaðilar 37,6%

2. Sérstakur skattur á fjármálafyrirtæki (álagning 2025)

Viðskiptabankar, sparisjóðir og lánaþyrirtæki 0,145%

3. Fjársýsluskattur

Fjármálafyrirtæki, váttryggingafélög, o.fl. 5,5%

4. Sérstakur fjársýsluskattur

Fjármálafyrirtæki, váttryggingafélög o.fl.6%

5. Útvarpsgjald

Álagning 2026.....kr. 22.200

Skattskylda hvílir á innlendum lögaðilum. Ekki er lagt á dánarbú, þrotabú, eða lögaðila sem eru undanþegnir skattskyldu.

6. Gistináttaskattur og innviðagjald

Gistináttaskattur var tekinn upp að nýju frá 1. janúar 2024. Skatturinn leggst á hverja selda gistináttaeiningu, en með gistináttaeiningu er átt við leigu á gistiaðstöðu í allt að einn sólarhring, þ.m.t. yfir nótt. Gistiaðstaða telst vera húsnæði eða svæði, þ.m.t. tjaldsvæði eða um borð í skemmtiferðaskipi sem liggur í íslenskrí höfn eða á tollsvæði ríkisins, sem leigt er út í þeim tilgangi að þar sé dvalið yfir nótt, svefnaðstaða sé fyrir hendi eða hægt sé að koma henni fyrir og leigan almennt til skemmri tíma en eins mánaðar. Frá og með 1. janúar 2025 ber ekki að reikna gistináttaskatt inn í skattverð virðisaukaskatts.

Gistiaðstaða á tjaldsvæði og stæði ferðavagna.....kr. 400
Hótel, gistiheimili og aðrir gististaði í flokki II-IV.....kr. 800
Skemmtiferðaskip í innlandssiglingum við Ísland .kr. 400

Stofn
Hreinar tekjur

Heildarskuldur skv.
framtali umfram 50
milljarða króna

Laun og þóknanir fyrir störf

Tekjuskattsstofn
yfir 1 milljarð króna
án tillits til samsk.
og yfirf. taps

Gistináttaeining

Gistináttaeining

Hver farþegi

Skemmtiferðaskipum í millilandasiglingum ekki skylt að greiða gistináttaskatt. Þess í stað ber þeim að greiða innviðagjald. Innviðagjald lækkar milli ára, úr kr. 2.500 í kr. 1.600, fyrir hvern farþega fyrir hvern byrjaðan sólarhring sem skip dvelur í höfn eða annars staðar innan íslenskrar lögsögu.

7. Tryggingagjald/Markaðsgjald

TTil gjaldstofns teljast hvers konar laun og þóknanir, þ.á.m. mótframlag launagreiðenda til lífeyrissjóðs. Til tryggingagjaldsskyldra hlunninda teljast meðal annars fæði, húsnæði, fatnaður, ökutækjastyrkur, bifreiðaaafnot o.þ.h., en þau skal reikna til gjaldstofns á sama verði og þau eru metin til tekna samkvæmt skattmati fjármálaráðherra. Greiðslur launagreiðenda vegna fæðingarorlofs mynda ekki stofn til tryggingagjalds nema þær fari yfir ákveðið hámark. Hið sama gildir um greiðslur sem ekki teljast til skattskyldra launa eða hlunninda, t.d.

samgöngugreiðslur.

Tryggingagjald árið 2026:

Almennt gjaldstig 6,35%
Sjómenn 7%

Á staðgreiðsluárinu 2026 er tryggingagjaldshlutfallið samtals 6,35%. Þar af er tryggingagjaldið sjálft 4,90% atvinnutryggingagjald 1,35%, gjald í ábyrgðasjóð launa 0,05% og markaðsgjald 0,05%. Sérstök trygging vegna sjómanna á fiskiskipum er 0,65% og bætist við almennt álagningarhlutfall.

Ef reiknað endurgjald eða greidd vinnulaun til annarra ná ekki kr. 504.000 á árinu er gjaldanda heimilt, í stað þess að skila mánaðarlegri skilagrein, að senda skilagrein ásamt greiðslu einu sinni á ári eins og um uppgjör fyrir desember væri að ræða.

Um tryggingagjald vegna launa þeirra starfsmanna sem eru með vottorð A1 (E-101) gilda sérstakar reglur, en þá greiðist aðeins hluti tryggingagjaldsins. Staðfesti slíkt vottorð að skattgreiðandi falli undir tryggingalöggjöf annars ríkis innan Evrópska efnahagssvæðisins, þrátt fyrir tímabundið starf á Íslandi, lækkar tryggingagjaldið niður í 0,425% af stofni til tryggingagjalds.

II. AFSKRIFTARHLUTFÖLL OG FYRNINGAR

Árið 2026

Skip, skipsbúnaður og fólksbifreiðar fyrir færri en 9 menn aðrar en leigubifreiðar.....	10-20%
Loftför og fylgihlutir	10-20%
Verksmiðjuvélar, iðnaðarvélar og tæki	10-30%
Borpallar, leiðslukerfi og annar búnaður til notkunar við rannsóknir og vinnslu kolefnis.....	10-30%
Skrifstofuáhöld og tæki.....	20-35%
Vélar, tæki, bifreiðar og annað lausafé, sem ekki fellur undir ofangreint	20-35%
Íbúðarhúsnæði, skrifstofu- og verslunarbyggingar.....	1-3%
Verksmiðju- og verkstæðisbyggingar, vöruheymslur o.fl.	3-6%
Gróðurhús, bryggjur og plön þeim tengd.....	6-8%
Borholur, raflínur og óvaranlegar vinnubúðir.....	7,5-10%
Keyptur eignarréttur að hugverkum og auðkennum	15-20%
Keypt viðskiptavild.....	10-20%

Á árunum 2021-25 er heimilt að fyrna lausafé, þ.m.t. skip, loftför, bifreiðar, vélar og tæki, sem aflað er á árunum 2021-22, um allt að 50% af fyrningargrunni, allt að niðurlagsverði eignar. Að auki er heimilt að reikna sérstakt fyrningarálag á stofnverð eigna sem aflað er á árunum 2021-25 og teljast umhverfisvænar og stuðla að sjálfbærri þróun. Umræddar eignir verða að teljast til vistvænna samgangna, endurnýjanlegrar orku, hreinsun fráveituvatns eða sjálfbærrar stýringar á náttúruauðlindum og landnotkun til að njóta fyrningarálags, eða

eru umhverfisvottaðar af viðurkenndum aðilum og falla undir tiltekin skilyrði. Álagið sjálft er á bilinu 13,18-25% eftir því hvort um einstakling í atvinnurekstri eða lögaðila er að ræða. Áður var heimilt að reikna fyrrnefnt fyrningarálag á stofnverð allra eigna en með lagabreytingu, sem tók gildi um mitt ár 2022, var heimildin þrengd og tekur nú aðeins til lausafjár. Fyrning fyrningarálags hófst á rekstrarárinu 2023. **Frekari skilyrði er að finna í bráðabirgðaákvæði LXX við lög nr. 90/2003 og reglugerð nr. 565/2022.**

Lausafjármunir eru afskrifaðir samkvæmt stiglækkandi fyrningum. Það felur í sér að fyrningarstofn eignarinnar er bókfært verð hennar, þ.e. stofnverð hennar að fráðregnum áður fengnum fyrningum. Mannvirki, eyðanleg náttúruauðæfi, keypt viðskiptavild og keyptur eignarréttur að hugverkum og auðkennum eru hins vegar afskrifuð samkvæmt línulegri fyrningu. Þá er fyrningarstofn eignarinnar upphaflegt kaupverð hennar. Eignir, aðrar en keyptur eignarréttur að hugverkum, auðkennum og keypt viðskiptavild, má aldrei fyrna meira en svo að 10% af stofnverði standi eftir sem niðurlagsverð eignar.

Fyrningartími eigna hefst við byrjun þess rekstrarárs þegar þær eru fyrst nýttar við öflun tekna. Ekki er heimilt að fyrna eign á því rekstrarári þegar nýtingu hennar lýkur nema söluverð eða annað andvirði sé lægra en eftirstöðvar fyrningarverðs. Er þá heimilt að gjaldfæra mismuninn.

Þegar kostnaðarverð einstakra eigna eða eignasamstæða er undir kr. 600.000 er heimilt að færa það að fullu til gjalda á því ári sem þeirra er aflað. Þá er heimilt að færa niður stofnkostnað á því ári sem viðkomandi eign myndast eða með jöfnum fjárhæðum á fimm árum.

Stofnkostnað við kaup á réttindum sem ekki rýrna vegna notkunar, þ.á.m. aflaheimildir, er ekki heimilt að fyrna. Verðmæti slíkra réttinda er ekki heimilt að færa til frádráttar skattskyldum tekjum

III. ÖNNUR ATRIÐI ER VARÐA AÐILA Í ATVINNUREKSTRI

1. Samsköttun

Ríkisskattstjóri getur heimilað að tvö eða fleiri hlutafélög, einkahlutafélög og samlagshlutafélög séu skattlögð saman. Hið sama gildir nú um innlend dótturfélög og fastar starfsstöðvar hluta- og einkahlutafélaga sem skráð eru í aðildarríkjum EES eða í Færeyjum (heimildin tekur ekki til stofnríkja EFTA og þar með ekki Sviss). Þá geta innlend dótturfélög undir eignarhaldi samstæðufélaga í öðrum aðildarríkjum EES eða Færeyjum notið samsköttunar og skal þá tekjuskattur af sameiginlegum tekjuskattstofni hinna innlendu félaga lagður á eitt þeirra. Þá er innlendu móðufélagi heimilt að óska eftir takmarkaðri samsköttun með dótturfélögum sínum skráðum í aðildarríki EES eða í Færeyjum. Í henni felst að heimilt er að nýta rekstrartap dótturfélags sem myndast hefur frá upphafi samsköttunar á því ári sem félagi er slitið og tapið telst sannanlega ónýtanlegt. Skilyrði nýtingar taps eru meðal annars að um raunverulega atvinnustarfsemi hafi verið að ræða, starfsemi hafi verið hætt í erlenda ríkinu og ekki hafi verið unnt að nýta tapið þar.

Skilyrði samsköttunar eru að móðurfélag eigi a.m.k. 90% hlutafjár í dótturfélagi, að öll hlutafélögin hafi sama reikningsár, eignarhald hafi varað allt reikningsárið, nema þegar um stofnun eða slit á dótturfélagi er að ræða, og að samsköttunin standi að lágmarki í fimm ár. Samsköttun fellur niður með félagi sem tekið er til gjaldprotaskipta eða slitameðferðar.

2. Stofn til staðgreiðslu af arði

Stofn til staðgreiðslu af arði telst arður af hlutum og hlutabréfum í hlutafélögum, einkahlutafélögum og samlagshlutafélögum, þ.e. sú fjárhæð sem þau félög greiða, að undanteknum arði sem greiddur er á milli hlutafélaga, einkahlutafélaga eða samlagshlutafélaga sem eru sjálfstæðir skattaðilar.

3. Samskráning á virðisaukaskattsskrá

Ríkisskattstjóri getur heimilað að tvö eða fleiri hlutafélög eða einkahlutafélög verði samskráð á virðisaukaskattsskrá. Skilyrði samskráningar eru þau sömu og fyrir samsköttun í tekjuskatti. Umsókn skal send ríkisskattstjóra ekki síðar en átta dögum fyrir upphaf fyrsta reikningsárs sem samskráningu er ætlað að taka til.

4. Söluhagnaður af eignarhlutum í félögum

Söluhagnaður vegna sölu hlutafélaga, einkahlutafélaga og samlagshlutafélaga sem eru sjálfstæðir skattaðilar á hlutabréfum er frádráttarbær frá tekjum óháð eignarhluta og jöfnun taps. Frádrátturinn gildir bæði um sölu innlendra og erlendra hlutabréfa, þó þannig að ef um er að ræða sölu á erlendum hlutabréfum skal hagnaður hins erlenda félags vera skattlagður með svipuðum hætti og hjá íslenskum félögum og í skatthlutfalli sem ekki er lægra en almennt skatthlutfall í einhverju aðildarríkja Efnahags- og framfarastofnunarinnar (OECD), Evrópska efnahagssvæðisins eða Fríverslunarsamtökum Evrópu eða Færeyjum. Tap umfram hagnað af sölu hlutabréfa er ekki heimilt að draga frá skattskyldum tekjum og myndar ekki yfirfæranlegt tap. Sama gildir um söluhagnað félaga í sömu félagaformum sem skattskyld eru skv. 7. tölul. 3. gr. tekjuskattslaga og eru heimilisföst í öðru aðildarríki á Evrópska efnahagssvæðinu, í ríkjum Fríverslunarsamtaka EFTA eða Færeyjum.

Kaupár Útreikningur á skattskyldum söluhagnaði

1996 og fyrr	Mismunur á söluverði og kaupverði. Kaupverð í árslok 1996 ákvarðast sem upphaflegt kaupverð þeirra eða jöfnunarverðmæti þegar það hefur verið hækkað skv. verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum.
1997-2001	Mismunur á söluverði og kaupverði. Kaupverð í árslok 2001 ákvarðast sem upphaflegt kaupverð hlutabréfanna þegar það hefur verið hækkað samkvæmt verðbreytingarstuðli fyrir hvert ár til ársloka 2001, enda séu hlutabréfin eignfærð í atvinnurekstrinum.
2002-2021	Mismunur á söluverði og kaupverði.

5. Arðstekjur hlutafélaga

Hlutafélögum, einkahlutafélögum, samlagshlutafélögum sem eru sjálfstæðir skattaðilar, gagnkvæmum váttryggingar- og ábyrgðarfélögum, kaupfélögum og öðrum samvinnufélögum og samvinnufélagasamböndum er heimilt að draga frá skattskyldum tekjum sínum mótttekinn arð sem þau fá frá hlutafélögum, einkahlutafélögum og samlagshlutafélögum sem eru sjálfstæðir skattaðilar. Hið sama gildir um mótttekinn arð erlendis frá, hafi hagnaður erlenda félagsins, sem verið er að úthluta, verið skattlagður með svipuðum hætti og gert er hér á landi. Skilyrði er að skatthlutfall, sem lagt er á hagnað hins erlenda félags, sé eigi lægra en almennt skatthlutfall í einhverju aðildarríkja Efnahags- og framfarastofnunarinnar (OECD), Evrópska efnahagssvæðisins., Fríverslunarsamtökum Evrópu eða í Færeyjum. Sama gildir um fjárhæð sem félög í sömu félagaformum sem skattskyld eru skv. 7. tölul. 3. gr. tekjuskattslaga og eru heimilisföst í öðru aðildarríki á Evrópska efnahagssvæðinu, í ríkjum Fríverslunarsamtaka EFTA eða í Færeyjum hafa fengið greidda í arð. Arðgreiðslur milli hlutafélaga, einkahlutafélaga og samlagshlutafélaga sem eru sjálfstæðir skattaðilar eru undanskildar stofni til staðgreiðslu skatts á fjármagnstekjur, sem og slíkar greiðslur til gagnkvæmra váttryggingar- og ábyrgðarfélaga, kaupfélaga og annarra samvinnufélaga og samvinnufélagasambanda.

6. Frádráttur vegna rannsóknar- og þróunarverkefna

Við álagningu á árinu 2026, vegna rekstrarársins 2025, gildir að nýsköpunarfyrirtæki sem er eigandi að rannsóknar- eða þróunarverkefnum sem hlotið hefur staðfestingu Rannis á rétt á sérstökum frádrætti frá tekjuskatti sem nemur 35% af útlögðum kostnaði vegna þessara verkefna í tilvikum lítilla og meðalstórra fyrirtækja en 25% í tilvikum stórra fyrirtækja enda sé kostnaðurinn frádráttarbær samkvæmt skattalögum. Hámark kostnaðar til útreiknings á frádrætti skal vera kr. 1.100.000.000 á rekstrarári en þar af skal heimilt að telja til þeirrar fjárhæðar allt að kr. 200.000.000 vegna aðkeyprtrar rannsóknar- eða þróunarvinnu frá ótengdum aðilum. Hámarkið á nú við um öll rannsóknar- eða þróunarverkefni tengdra aðila og skiptist frádráttur hlutfallslega milli þeirra sé kostnaður umfram hámark. Sé álagður tekjuskattur lægri en ákvarðaður skattfrádráttur er mismunurinn greiddur út.

Skilyrði er að eigandi rannsóknar- og þróunarverkefnis beri fjárhagslega áhættu af því. Eingöngu er hægt að sækja um framlengingu vegna sama verkefnis í þriggja. Rannis er heimilt að afturkalla samþykki fyrir verkefni ef rangar eða ófullnægjandi upplýsingar eru veittar. Afturköllun samþykkis getur tekið til yfirstandandi og síðustu tveggja tekjuára. Ríkisskattstjóra er jafnframt heimilt að leggja 25% álag á lækkun skattfrádráttar hafi fyrirtæki oftalið frádráttarbæran kostnað. **Sjá nánar reglugerð nr. 758/2011 um stuðning við nýsköpunarfyrirtæki.**

7. Frádráttur vegna framlaga til almannaheillafélaga og/eða kolefnisjöfnunar

Heimild lögaðila til árlegs tekjufrádráttar vegna framlaga til almannaheillafélaga, sem skráð eru í almannaheillafélagaskrá, nemur 1,5% af heildartekjum ársins. Lögaðilum er að auki heimilt að styrkja starfsemi sem stuðlar að kolefnisjöfnun, t.a.m. skógrækt og endurheimt votlendis, um annað eins. Heildarfrádráttur lögaðila getur því numið 3% á ári hverju.

8. Eftirstöðvar rekstrartapa

Frá skattskyldum tekjum á rekstrarárinu 2025 (framtal 2026) er heimilt að draga eftirstöðvar rekstrartapa frá síðustu 10 árum, enda hafi ekki orðið veruleg breyting á þeim rekstri eða starfsemi sem í hlut á.

9. Reiknað endurgjald

Maður sem vinnur við eigin atvinnurekstur eða sjálfstæða starfsemi, eða telst vera með ráðandi stöðu í atvinnurekstri vegna eignar- eða stjórnunaraðildar, skal reikna sér til tekna ekki lægra endurgjald fyrir starfið en hann hefði haft sem laun fyrir það hjá óskyldum eða ótengdum aðila. Sama gildir um vinnu maka manns, barna hans, venslamanna og nákominna ættingja, sem innt er af hendi við atvinnurekstur eða sjálfstæða starfsemi hans.

Viðmiðunarfjárhæðir reiknaðs endurgjalds á mánuði árið 2026 (lágmarksviðmiðanir):

Flokkur A	Sérfræðipjónusta (7 flokkar): kr. 1.199.000–2.397.000
Flokkur B	Almenn starfsemi, iðnaður, verslun, útgerð og þjónusta (6 flokkar): kr. 681.000-2.016.000
Flokkur C	Fjölmíðlun, listamenn, skemmtikraftar, útgefendur, sérhæfð sölu-starfsemi eða þjónusta o.fl. (7 flokkar): kr. 709.000-1.947.000
Flokkur D	Iðnaðarmenn (3 flokkar): kr. 589.000–969.000
Flokkur E	Ýmis starfsemi einyrkja, ófaglærðra og vélstjórnenda (5 flokkar): kr. 472.000-886.000
Flokkur F	Sjómennska (5 flokkar): kr. 813.000-1.216.000
Flokkur G	Landbúnaður (6 flokkar): kr. 265.000-747.000
Flokkur H	Makar og nákomnir venslamenn (3 flokkar): kr. 405.000-1.220.000 Börn (2 flokkar): kr. 244.000-283.000

Reiknað endurgjald í flokkum F(1) til F(4) skal að lágmarki miðast við aflahlut skv. kjarasamningi og hliðstæðar greiðslur til annarra skipverja á sama skipi eða hliðstæðu. Reiknað endurgjald og greidd laun af aflahlut samtals skulu ekki vera lægri en 30% af 70% aflaverðmæti bátsins, eða ekki lægri en heildarviðskiptaverðmæti samkvæmt ákvæðum viðeigandi kjarasamninga séu þeir fyrir hendi.

10. Takmörkun á frádrætti vaxtagjalda (þunn eiginfjármögnun)

Frádráttur vaxtagjalda og affalla skattaðila vegna lánaviðskipta við tengda aðila umfram 100 millj. kr. takmarkast við 30% af hagnaði skattaðilans. Þau vaxtagjöld og afföll sem umfram eru koma ekki til frádráttar. Með hagnaði er átt við hagnað samkvæmt ársreikningi að viðbættum tekjuskatti, fjármagnsliðum, afskriftum og niðurfærslum fastafjármuna. Hafi skattaðili fært í rekstrarreikning hlutdeildartekjur frá öðru félagi innan samstæðu skal draga þær frá framangreindum hagnaði og bæta við úthlutuðum arði frá sama félagi hafi arðgreiðsla átt sér stað.

Takmörkun á frádrætti vaxtagjalda á ekki við ef;

- vaxtagjöld eru greidd vegna lánaviðskipta innan samstæðu sem nýtur heimildar til samsköttunar eða uppfyllir skilyrði til samsköttunar, þegar öll félög samstæðu eru heimilisföst á Íslandi,
- skattaðili sýnir fram á að eiginfjárhlutfall hans sé eigi lægra en tveimur prósentustigum undir eiginfjárhlutfalli samstæðu sem hann tilheyrir eða
- skattaðili er fjármálafyrirtæki samkvæmt lögum um fjármálafyrirtæki, váttryggingafélag samkvæmt lögum um váttryggingastarfsemi eða félag í eigu fyrrgreindra aðila sem starfar í sambærilegum rekstri.

Undanþágan varðandi eiginfjárhlutfall skattaðila gildir þó ekki ef eigið fé skattaðila var hækkað innan við sex mánuðum fyrir dagsetningu efnahagsreiknings og lækkað aftur að samsvarandi fjárhæð innan við sex mánuðum eftir dagsetningu efnahagsreiknings. Hafi skattaðili bókfært eignarhlut í öðru fyrirtæki samstæðunnar samkvæmt hlutdeildaraðferð ber við útreikning á eiginfjárhlutfalli að miða við kostnaðarverð eignarhlutans.

11. Skattlagning vegna erlends eignarhalds í félögum og sjóðum á lágs kattasvæðum

Ef skattaðili á beint eða óbeint 50% eða meiri eignarhlut í félagi eða sjóði á lágs kattasvæði leiðir það til þess að hagnaður félagsins telst til atvinnurekstrartekna samkvæmt íslenskum reglum. **Fjármálaráðherra hefur gefið út reglugerð nr. 1102/2013**, um skattlagningu vegna eignarhalds í lögaðilum á lágs kattasvæðum. Heimild til að endurákværða skatt skv. 96. gr. laga um tekjuskatt tekur til síðustu 10 ára á undan því ári þegar endurákvörðun fer fram vegna tekna og eigna skattaðila í lágs kattaríkjum.

12. Eftirgjöf skulda og umbreyting krafna í hlutafé

Þegar kröfu er breytt í hlutafé í skuldsettu félagi í stað eftirgjafar skal það talið fullnaðargreiðsla hennar. Aðilar geta samið um niðurfellingu á hluta kröfunnar áður en slík greiðsla með hlutafé er innt af hendi. Sé skipt á kröfu og hlutafé skal fara fram mat á verðmæti hlutafjárins og skal matsverðið miðast við þann dag þegar skiptin eiga sér stað. Skuldara ber að tekjufæra mismun á verðmæti hlutafjárins og bókfærðu verði skuldarinnar. Kröfuhafa ber eftir atvikum að tekjufæra eða gjaldfæra mismun á bókfærðu verði kröfunnar og matsverði hlutafjárins.

IV. VIRÐISAUKASKATTUR

1. Skattþrep virðisaukaskatts

Almennt skattþrep virðisaukaskatts er 24%. Lægra skattþrep virðisaukaskatts er 11%.

2. Endurgreiðsla virðisaukaskatts og aðrar ívilnanir

Unnt er að sækja um endurgreiðslu virðisaukaskatts allt að sex ár aftur í tímann frá dagsetningu reiknings. Endurgreiðsla er háð því að endurgreiðsla hafi verið heimil að lögum á útgáfudagsetningu reiknings.

Frá 1. júlí 2023 skulu þeir sem byggja íbúðarhúsnæði fá 35% þess virðisaukaskatts endurgreiddan sem þeir hafa greitt af vinnu manna á byggingarstað. Endurgreiða skal eigendum íbúðarhúsnæðis virðisaukaskatts sem þeir hafa greitt af vinnu manna við endurbætur eða viðhald húsnæðisins. Skilyrði endurgreiðslu er að seljandi þjónustu sé skráður á virðisaukaskattskrá á því tímamarki þegar viðskipti eiga sér stað. Frá 1. september 2022 til 30. júní 2023 nam endurgreiðsluhlutfallið 60%.

Á tímabilinu 1. janúar 2022 til 31. desember 2025 skal endurgreiða lögaðilum sem skráðir eru á almannaeillaskrá 100% þess virðisaukaskatts sem þeir hafa greitt vegna vinnu manna á byggingarstað við byggingu, viðhald eða endurbætur á mannvirkjum, eða sérgreindum matshlutum þeirra, sem alfarið eru í eigu þeirra. Frá 1. janúar 2026 fellur endurgreiðsluheimildin úr gildi.

Þegar sannanlega er flutt úr landi flúoruð gróðurhúsalofttegund sem skattur var sannanlega greiddur af við innflutning, getur skattskyldur aðili sótt um endurgreiðslu á þeim skatti hafi ekki liðið meira en 12 mánuðir frá tollafgreiðslu hennar.

Á tímabilinu 1. júlí 2022 til 31. desember 2027 skal endurgreiða að fullu virðisaukaskatt sem greiddur hefur verið við innflutning eða fyrstu sölu nýs loftfars, hreyfils eða loftskrúfu sem nýtir rafmagn eða vetni sem orkugjafa. Hið sama gildir um virðisaukaskatt sem greiddur hefur verið við innflutning og fyrstu sölu notaðs loftfars, hreyfils eða loftskrúfu sem nýtir sömu orkugjafa enda sé hið innflutta yngra en þriggja ára á innflutnings- og söludegi.

3. Gjald vegna virðisaukaskattsskýrslu sem skilað er í kjölfar áætlunar

Sérstakt gjald að fjárhæð kr. 5.000 er lagt á hverja virðisaukaskattsskýrslu sem skilað er í kjölfar áætlunar virðisaukaskatts á viðkomandi skattaðila.

4. Fjárhæðamörk skráningarskyldu

Fjárhæðamörk þeirra sem eru skráningarskyldir vegna virðisaukaskatts eru kr. 2.000.000.

5. Synjun um skráningu á virðisaukaskattsskrá

Heimilt er að synja aðila um skráningu á virðisaukaskattsskrá liggja fyrir að hann hafi ekki uppfyllt framtalsskyldur sínar á einhverju ári af næstliðnum þremur tekjuárum á undan því ári sem sótt er um skráningu og opinber gjöld hans af þeim sökum áætluð, enda sé aðili ekki með gilda greiðsluáætlun við innheimtumann ríkissjóðs. Enn fremur er heimilt að synja aðila um skráningu að nýju á virðisaukaskattsskrá hafi hann ekki gert fullnægjandi skil á virðisaukaskattsskýrslum eða virðisaukaskatti. Í stað fullnægjandi skila á virðisaukaskatti getur ríkisskattstjóri heimilað aðila að leggja fram tryggingu í formi skilyrðislausrar sjálfskuldarábyrgðar banka fyrir vangreiddum virðisaukaskatti að viðbættu álagi, vöxtum og innheimtukostnaði.

6. Heimild til að fella skattaðila af virðisaukaskattsskrá / stöðva atvinnurekstur

Ríkisskattstjóra er heimilt að fella skattaðila af virðisaukaskattsskrá sem ekki hafa orðið við ítrekuðum beiðnum ríkisskattstjóra um að leggja fram gögn og

upplýsingar um rekstur sinn. Hið sama gildir ef aðili sætir áætlun samfelld í tvö uppgjörstímabil eða lengur, er í vanskilum með álagðan virðisaukaskatt eða önnur opinbergjöld, enda sé hann ekki með gilda greiðsluáætlun vegna vanskila.

Ef skattaðili er skráður að nýju á virðisaukaskattsskrá, skal hann nota hvern almanaksmánuð sem uppgjörstímabil í a.m.k. tvö ár. Í þeim tilfellum er gjalddagi virðisaukaskatts 15 dögum eftir að uppgjörstímabili lýkur. Hið sama gildir um ný- og endurskráningar á virðisaukaskattsskrá ef gjaldandi sjálfur, eigandi hans, framkvæmdastjóri eða stjórnarmaður hefur orðið gjaldþrota á næstliðnum fimm árum fyrir skráningu á virðisaukaskattsskrá.

Nýskráðum og endurskráðum aðilum ber einnig að haga skilum sínum á þennan hátt ef eigandi félags, framkvæmdastjóri eða stjórnarmaður þess hefur orðið gjaldþrota á næstliðnum fimm árum fyrir skráningu á virðisaukaskattsskrá. Hið sama gildir ef eigandi, stjórnarmaður eða framkvæmdastjóri félags, var eigandi stjórnarmaður eða framkvæmdastjóri gjaldþrota félags einhvern tímann á síðustu 12 mánuðum fyrir gjaldþrot þess og það hafi orðið gjaldþrota á næstliðnum fimm árum fyrir skráningu á virðisaukaskattsskrá. Sæki einstaklingar í sömu stöðu um skráningu rekstrar á virðisaukaskattsskrá, þá gildir hið sama um þá.

Þá hefur ríkisskattstjóri heimild til að stöðva atvinnurekstur skattaðila ef þeir t.d. vanrækja að færa bókhald eða nota tilskilið söluskráningarkerfi, vanrækja tilkynningarskyldu eða skilaskyldu á virðisaukaskatti, eða sæta áætlun á virðisaukaskatti í tvö uppgjörstímabil eða fleiri á næstliðnum tveimur árum frá yfirstandandi uppgjörstímabili.

7. Takmarkanir á færslu innskatts

Heimild til færslu innskatts er háð því að viðsemjandi skattaðilans sé á virðisaukaskattsskrá þegar viðskipti eiga sér stað. **Sjá nánar 16. gr. laga nr. 50/1988 og reglugerð um innskatt nr. 192/1993.**

8. Sala á þjónustu til erlendra atvinnufyrirtækja

Um mitt ár 2024 tóku gildi breytingar á lögum um virðisaukaskatt að því er varðar sölu á þjónustu til atvinnufyrirtækja sem hafa hvorki heimilisfesti né fasta starfsstöð hér á landi. Breytingarnar fela í sér að í staðinn fyrir að meta í hverju tilviki fyrir sig hvar þjónusta telst hafa verið veitt og þar með nýtt, þá er meginreglan sú að sala á þjónustu til atvinnufyrirtækja sem hvorki hafa heimilisfesti hér á landi né stunda atvinnustarfsemi frá fastri starfsstöð hér á landi, telst ekki til virðisaukaskattskyldrar veltu og undantekningar frá meginreglunni um að þjónusta sé skattskyld hér á landi tilgreindar sérstaklega. Er það í samræmi við hina svokölluðu fjarlægðarreglu (e. destination principle) í virðisaukaskattstilkipun Evrópusambandsins. Ákveðnir þjónustuliðir teljast þó ávallt afhentir hér á landi.

9. Heimild erlendra aðila sem veita rafrænt afhenta þjónustu o.fl. til að skrá sig á virðisaukaskattsskrá

Erlendum atvinnufyrirtækjum, sem veita hér á landi rafrænt afhenta þjónustu, fjarskiptabjónustu eða útvarps- og sjónvarpsþjónustu til annarra en atvinnufyrirtækja, er heimilt að skrá sig annaðhvort í almennt skráningu eða

einfaldri skráningu hér á landi. Einfalda skráningin mun fara fram í rafrænu skráningarkerfi en þau atvinnufyrirtæki sem skrá sig í einfaldri skráningu hafa ekki heimild til að færa virðisaukaskatt til innskatts.

10. Virðisaukaskattur vegna umboðssölu

Skattaðila, sem móttækur lausafé frá einstaklingi utan rekstrar til umboðssölu, er heimilt að miða skattverð við söluþóknun að ákveðnum skilyrðum uppfylltum. Meðal annars er skilyrði að skriflegur samningur liggja fyrir, kveðið sé um söluþóknun, ýmist fasta fjárhæð eða hlutfall af söluverði lausafjár, og að söluverð einstakra muna eða samstæðu þeirra nemi að hámarki kr. 100.000.

10. Umhverfisvæn farartæki

Síðustu ívilnanir vegna farartækja, sem knúin eru umhverfisvænum orkugjöfum, féllu úr gildi 31. desember 2025.

Á tímabilinu 1. janúar 2024 til 31. desember 2025 var handhafa rekstrarleyfis ökutækjaleigu heimilt að undanþiggja frá skattskyldri veltu tilteknar fjárhæðir vegna endursölu rafmagns-, vetnis- eða tengiltvinnbifreiða. Upphæðin nemur kr. 5.500.000 vegna hverrar rafmagns- eða vetnisbifreiðar en kr. 2.000.000 vegna tengiltvinnbifreiða. Heimildin er háð því að virðisaukaskattur hafi verið felldur niður við innflutning eða fyrstu sölu bifreiðarinnar, á grunni ívilnandi ákvæða þar um, og að gjaldandi geti lagt fram gögn því til stuðnings.

AÐRAR UPPLÝSINGAR

VÍSITÖLUR²

	Janúar 2026	Janúar 2025	Breyting
Byggingarvísitala ³	126,5	121,2	+4,37%
Lánsklaravísitala	12.996	12.532	+3,70%
Neysliverðsvísitala til verðtryggingar	658,2	634,7	+3,70%

TVÍSKÖTTUNARSAMNINGAR

Tvísköttunarsamningur við Nýja-Sjáland var undirritaður í október 2025. Engir nýir tvísköttunarsamningar voru birtir í B-deild Stjórnartíðinda á árinu 2025.

Í eftirfarandi töflu má finna þau ríki sem Ísland hefur gert tvísköttunarsamninga við. Í töflunni eru ennfremur upplýsingar um afdráttarskatthlutfall á arði sem félag heimilisfast í öðru samningsríkinu greiðir félagi í hinu samningsríkinu og um lækkað afdráttarskatthlutfall. Neðangreind skatthlutföll gilda að uppfylltum ákveðnum skilyrðum en ekki gefst kostur á að birta þau öll hér. Í töflunni má einnig sjá afdráttarskatthlutfall vaxta og þóknana (e. royalties).

Land	Arður		Vextir	Þóknanir
	Einst./Ft.	Lækkað hlutf. ⁴		
Albanía	10%	5%	10%	10%
Andorra	10%	5%	5%	5%
Austurríki	15%	5%	0%	5%
Ástralía	15%	5%	10%	10%
Bandaríkin	15%	5%	0%	0 / 5% ⁵
Barbados	15%	5%	10%	5%
Belgía	15%	5%	10%	0%
Bretland ⁶	15%	5%	0%	0% / 5%
Eistland	15%	5%	10%	5% / 10% ⁷
Frakkland	15%	5%	0%	0%
Georgía	10%	5%	5%	5%

²Samkvæmt upplýsingum frá Hagstofu Íslands.
³Mæling vísitölunnar var frá júní 1987 til desember 2021 á grunni sérlaga um vísitölu byggingarkostnaðar sem féllu úr gildi 31. desember 2021. Mælingin byggir nú á grundvelli laga um Hagstofu Íslands og opinbera hagskýrslugerð. Grunnur vísitölunnar tók breytingum við þetta en frá 1. janúar 2022 er verð mælt án virðisaukaskatts en var áður með virðisaukaskatti. Samanburðartölurnar í töflunni miða við desembermánuð 2024 og 2025.
⁴Til þess að fyrirtæki fái notið þessa skatthlutfalls þarf viðtakandi arðgreiðslu að eiga lágmarks eignarhlut í fyrirtækinu. 25% eignarhlut þarf til í flestum löndum, en 10% eignarhlut nægir í tilvikum Austurríkis, Bandaríkjanna, Belgíu, Bretlands, Frakklands, Hollands, Ítalíu, Kanada, Kýpur, Liechtenstein, Moltu, Mexíkó, Norðurlanda og Sviss. Varðandi Japan þá þarf fyrirtækið að eiga a.m.k. 10% af fjármagni þess félags sem er heimilisfast á Íslandi þegar það greiðir út arðinn eða atkvæðisrétt í því félagi sem er heimilisfast í Japan þegar það greiðir út arðinn.
⁵Lægrí talan á við um afnot af vörumerki og upplýsingum sem látnar eru í té í tengslum við það ásamt kvikmyndum sem fjölfaldaðar eru á flímu og eru ætlaðar til notkunar í tengslum við sjónvarp.
⁶Með ákvæði til bráðabirgða við tekjuskattslögin var breskum félögum veittur réttur, með afturvirkum hætti til ársins 2021, til lækkunar afdráttarskatts á arðsgreiðslur frá íslenskum félögum. Með breytingunni eru bresk félög jafnsett félögum sem stofnsett eru í ríkinu EES. Ákvæðið fellur úr gildi við næstu breytingar á tvísköttunarsamningi Íslands og Bretlands.
⁷Lægrí talan á við um tækjaleigu.

Grikkland	15%	5%	8%	10%
Grænland	15%	5%	0%	15%
Holland	15%	0%	0%	0%
Indland	10%	—	10%	10%
Írland	15%	5%	0%	0% / 10% ⁴
Ítalía	15%	5%	0%	5%
Japan	15%	5%	10%	0%
Kanada	15%	5%	10%	0% / 10% ⁴
Kína	10%	5%	10%	10%
Króatía	10%	5%	10%	10%
Kýpur	10%	5%	0%	5%
Lettland	15%	5%	10%	5% / 10% ⁴
Liechtenstein	15%	0%	0%	0% / 5%
Litháen	15%	5%	10%	5% / 10% ⁴
Lúxemborg	15%	5%	0%	0%
Malta	15%	5%	0%	5%
Mexíkó	15%	5%	10%	10%
Norðurlönd ^a	15%	0%	0%	0%
Portúgal	15%	10%	10%	10%
Pólland	15%	5%	10%	10%
Rúmenía	10%	5%	3%	5%
Rússland	15%	5%	0%	0%
Slóvakía	10%	5%	0%	10%
Slóvenía	15%	5%	5%	5%
Spánn	15%	5%	5%	5%
Suður-Kórea	15%	5%	10%	10%
Sviss	15%	0%	0%	0% / 5%
Tékkland	15%	5%	0%	10%
Ungverjaland	10%	5%	0%	10%
Úkraína	15%	5%	10%	10%
Víetnam	15%	10%	10%	10%
Pýskaland	15%	5%	0%	0%

^a Tvísköttunarsamningur við Danmörk, Finnland, Færeyjar, Noreg og Svíþjóð.

UPPLÝSINGASKIPTASAMNINGAR

Samningar eru í gildi um upplýsingaskipti um skattamál við stjórnvöld á Andorra, Angvilla, Antígva og Barbúda, Arúba, Bahamaeyjum, Barein, Belís, Bermúdaeyjum, Botswana, Bresku Jómfrúreyjum, Brúnei Darússalam, Cayman-eyjum, Cooks-eyjum, Dóminíku, Gíbraltar, Grenada, Guernsey, Hollensku Antillur, Hong Kong í Alþýðuveldinu Kína, Jamaíku, Jersey, Kosta Ríka, Liechtenstein, Líberíu, Makaó, Marshall eyjar, Míritíus, Montserrat, Mónakó, Mön, Niue, Panama, Samóa, San Marínó, Sankti Lúsíu, Seychelles-eyjum, Turks- og Caicos-eyjum og Úrugvæ, ásamt samningum um að komast hjá tvísköttun einstaklinga hvað varðar skatta á tekjur og fyrirtæki sem reka skip eða loftför í flutningum á alþjóðaleiðum, og um gagnkvæmt samkomulag í tengslum við leiðréttingu á hagnaði tengdra fyrirtækja.

Þá er í gildi FATCA samningur á milli Íslands og Bandaríkjanna um upplýsingaskipti vegna fjármálastofnana.

ÝMSAR AÐRAR BREYTINGAR

Tollar og gjöld

Frá og með 1. janúar 2026 tóku gildi margvíslegar breytingar á ýmsum krónutölugjöldum, þ.m.t. gjöldum af áfengi, tóbaki og nikótínvörum, vörugjaldi af ökutækjum, úrvinnslugjaldi og bifreiðagjaldi.

Kílómetragjald á bifreiðar og brottfall olíu- og bensíngjalda

Um áramótin tók gildi lagabreyting sem felur í sér að olíu- og bensíngjöld eru felld niður en þess í stað lagt gjald á hvern ekinn kílómetra. Sambærilegt fyrirkomulag hafði áður verið við lýði frá 1. janúar 2024 vegna rafmagns- og tengiltvinnbifreiða en gildir nú óháð orkugjafa bifreiðar.

Gjaldskyld samkvæmt lögunum eru bifhjól, bifreiðar, dráttarvélar, eftirvagnar og létt bifhjól yfir ákveðnum þyngdarmörkum og gerð til aksturs yfir tilteknum hraða. Skráður eigandi ökutækis er gjaldskyldur samkvæmt lögunum, nema skráður hafi verið umráðamaður yfir ökutæki samkvæmt sérstökum samningi. Undanþegin gjaldinu eru ökutæki björgunarsveita, ökutæki skráð 1965 eða fyrr, bifreiðar sendiráða og dráttarvélar í landbúnaði. Fjárhæð gjalds á hvern ekinn kílómetra er ákveðið út frá heildarþyngd ökutækis.

Eigendur ökutækja skulu skrá kílómetrastöðu þeirra á Ísland.is. Gjaldið er innheimt mánaðarlega á grundvelli áætlaðs meðalaksturs.

Réttur aðila samkvæmt útgöngusamningi Bretlands úr ESB

Við tekjuskattslögin bættist nýtt ákvæði til bráðabirgða til að tryggja rétt þeirra aðila sem fluttu til Bretlands fyrir lok aðlögunartímabils, í kjölfar útgöngu Bretlands úr Evrópusambandinu, og njóta réttar samkvæmt útgöngusamningnum að aðlögunartímabili loknu. Bretland telst því tímabundið til EES-ríkja í skilningi tekjuskattslaganna að því marki sem varðar réttindi sem tryggð eru samkvæmt alþjóðasamningi sem Ísland hefur staðfest vegna útgöngu Bretlands úr ESB og EES.

Synjun skattifyrvalda um breytingu gerð kæránleg

Gerðar voru breytingar á lögum um tekjuskatt nr. 90/2003, lögum um virðisaukaskatt nr. 50/1988 og tollalögum nr. 88/2005, þess efnis að synjun skattifyrvalda á að taka endurupptökubeiðni gjaldanda til efnismeðferðar verði kæránleg til yfirskattanefndar. Hingað til hefur ekki verið unnt að leita með slíka synjun til æðra stjórnvalds heldur eingöngu til dómstóla.

Ráðstöfun séreignarsparnaðar inn á íbúðalán

Almenn heimild til ráðstöfunar séreignarsparnaðar til greiðslu húsnæðislána og húsnæðissparnaðar rann sitt skeið 31. desember 2025. Frá og með 1. janúar 2026 er því ekki hægt að sækja um eða breyta umsóknum sem þegar eru í gildi. Heimild til stuðnings við fyrstu kaupendur er áfram óbreytt.

Upplýsingaskylda stafrænna vettvanga, þjónustuveitenda sýndareigna og dagsektir

Frá 1. janúar 2024 hefur rekstraraðilum stafrænna vettvanga, t.a.m. Airbnb, verið skylt að upplýsa skattifyrvöld m.a. um seljanda, hið selda, verð, greiðslufyrirkomulag og fjölda viðskipta vegna útleigu á skattári.

Frá og með 1. janúar 2026 ber aðilum sem annast kaup og sölu, umboðsviðskipti, milligöngu og aðra umsýslu með sýndareignir, t.a.m. rafmyntir á borð við Bitcoin, að afhenda ótilkvaddir skattifyrvöldum skýrslu um slík viðskipti og aðila að þeim, ókeypis og á því formi sem ríkisskattstjóri ákveður.

Vanræki fjármálastofnun, rekstraraðili stafræns vettvangs eða þjónustuveitandi sýndareigna ofangreinda upplýsingaskyldu er ríkisskattstjóra heimilt að leggja á hann dagsektir þar til upplýsingaskyldunni er sinnt. Dagsektirnar leggjast á frá þeim degi sem aðila bar að standa skil á gögnunum en upphafstími dagsekta er mismunandi eftir því um hvort rekstraraðila stafræns vettvangs eða þjónustuveitanda sýndareigna er að ræða. Dagsektirnar geta numið frá 10 þ.kr. til 1 m.kr. dag hvern.

GENGI

Opinbert viðmiðunargengi Seðlabanka Íslands

	Mið	Mið	Breytingar
	30.12.2025	31.12.2024	
USD	125,20	138,20	-9,41%
GBP	168,96	173,30	-2,50%
DKK	19,708	19,295	2,14%
NOK	12,447	12,214	1,91%
SEK	13,607	12,567	8,28%
CHF	158,40	152,70	3,73%
CAD	91,41	96,08	-4,86%
JPY	0,8023	0,8815	-8,98%
XDR	171,54	180,37	-4,90%
EUR	147,2	143,90	2,29%

Meðaltal miðgengis árið 2024

USD	GBP	DKK	NOK	SEK	CHF	CAD	JPY	XDR	EUR
128,37	168,90	19,381	12,346	13,070	154,36	91,73	0,8576	173,11	144,65

Deloitte ehf. og Deloitte Legal ehf. eru hlutdeildarfélög Deloitte NSE LLP sem er aðildarfélag Deloitte Touche Tohmatsu Limited („DTTL“). DTTL (einnig vísað til sem („Deloitte á alþjóðavísu“) og hvert aðildarfélag þess eru lagalega aðskildir og sjálfstæðir lögaðilar, sem geta hvorki skyldað eða skuldbundið hvort annað gagnvart þriðja aðila. DTTL og hvert DTTL aðildarfélag og tengd félög eru aðeins ábyrg fyrir eigin athöfnum og aðgerðaleyzi, en ekki hvors annars. DTTL innir ekki af hendi þjónustu til viðskiptavina. **Fyrir frekari upplýsingar; www.deloitte.com/about.**

Deloitte Legal ehf. er lögmannsstofa á Íslandi. Deloitte Legal vörumerkið vísar til lögmannsstofa aðildarfélaga DTTL og tengdra félaga þeirra sem veita lögmannsþjónustu og skatta- og lögfræðiráðgjöf. Eðli og umfang þeirra verkefna er breytilegt milli lögsagna, í samræmi við staðbundnar reglur. Deloitte Legal aðildarfélögin eru lagalega aðskildir og sjálfstæðir lögaðilar sem geta ekki skuldbundið hvern annan gagnvart þriðja aðila. Hvert Deloitte Legal aðildarfélag er því eingöngu ábyrgt fyrir eigin athöfnum en ekki annarra Deloitte Legal aðildarfélaga. Vegna ólíkra staðbundinna reglna þá veita ekki öll aðildarfélög Deloitte lögfræðiráðgjöf.

Upplýsingar þær sem fram koma í bæklingi þessum eru unnar upp úr gildandi lögum og reglum í upphafi árs 2026. Upplýsingarnar eru almenns eðlis og er ekki ætlað að vera tæmandi upplýsingagjöf. Við hvetjum þig til að leita faglegrar aðstoðar við úrlausn skattamála. Nánari upplýsingar er að finna á heimasíðu Deloitte Legal ehf. Þar er meðal annars hægt að finna útgefnar skýrslur og erindi um ýmis mál af vettvangi skattaréttar.

Þá bendum við á eftirfarandi heimasíður sem hafa að geyma frekari upplýsingar um skatta og málefni er tengjast þeim: **www.rsk.is, www.yskn.is, www.hagstofa.is og www.tollur.is.**